

# Diskusi ICT



Bersama **FIRKHAN**  
*sembangict@yahoo.com*

## Masuk sistem Windows 10 guna e-mel

**B**AGAIMANAKAH cara untuk log masuk ke dalam sistem komputer Windows 10 tanpa menggunakan akaun e-mel Microsoft?

-Amin, Selama.

Perkara ini terjadi apabila komputer berasaskan sistem Windows 10 itu dihubungkan ke Internet. Seterusnya, Microsoft meminta membuat pendaftaran secara dalam talian. Setelah selesai pendaftaran dan kemas kini, setiap kali untuk log masuk ke dalam Windows, memerlukan kemasukan akaun dalam talian Microsoft.

Sebelum itu, pastikan sistem Windows 10 yang digunakan telah dikemas kini sepenuhnya atau *update* bagi mengelakkan berlaku masalah lain yang mungkin akan timbul.

Seterusnya, dibincangkan beberapa perkara yang boleh dibuat untuk tidak menggunakan akaun Microsoft sebagai log masuk ke dalam sistem Windows 10.

**1** Boleh menggunakan fungsi kata laluan bergambar atau *picture password*. Pergi ke *Settings > Accounts > Sign-in options > Picture password*. Seterusnya, di bawah menu *Picture Password*, ada menu *Privacy*. Tetapkan menu *Privacy* kepada *Off*. Maklumat peribadi seperti e-mel dan lain-lain tidak akan dipaparkan ketika log masuk.

**2** Penggunaan akaun setempat atau *local account*. Jadi, buat satu akaun setempat terlebih dahulu dan pastikan ia berstatus *administrator*. Setelah itu, pergi ke *Settings > Accounts > Your e-mail and accounts > Sign-in with local account instead*. Seterusnya ikut arahan seterusnya sehingga selesai. Biasanya perlu disahkan menggunakan akaun e-mel Microsoft terlebih dahulu dan akhirnya perlu but semula komputer untuk dapatkan kesan pertukarannya.

**3** Penggunaan komputer berasaskan sistem Windows 10 tanpa ada log masuk. Namun begitu, cara ini sangat tidak digalakkan digunakan kerana akan memberi masalah keselamatan kepada komputer yang digunakan.

Akhirnya, ketika proses mula pendaftaran komputer untuk Windows 10 pada menu *Make it yours*, boleh pilih menu *Skip this step* untuk elakkan pendaftaran komputer menggunakan akaun e-mel Microsoft.